

Diantha Maduro Reina di Carnaval 49

ORANJESTAD(AAN)

Aruba por a goza ayera anochi di un show espectacular cu a ser presenta pa e 9 candidatanan pa reina di carnaval 2003.

Un anochi cu sigur lo bay conta entre e shownan di mas precioso di ultimo añanan y unda diseñadornan Arubano a sobresali den tur forma, demostrando cu nos isla tin profesionalnan di nivel halto.

No tabata pa 12 or, sino pa 12.30 or cu a cuminsa cu a fiesta final cu eleccion di e diferente figuranan cuminsando cu Queen of M.A.S. pa e premio cu Setar ta ofrece pa e candidata cu a ricibi mas apoyo riba sistema di celular MAS.

E reina a resulta Diantha Maduro, candidata di Colegio Aruba.

Mes ora despues a pasa tambe pa eligi ganador di Best Costume, y un biaha mas Colegio Arubano a bay cu un premio y Diantha a gana e parti aki di e anochi tambe.

Pa mas o menos 20 pa un, a anuncia e di dos finalista y aki e candidata di menos promocion durante henter su reinado como reina di distrito di Brasil, a wordo eligi. Ta trata aki di Marylain Ras cu ultimo dianan a resulta di ta un candidata hopi fuerte.

Prome finalista a bin resulta

Gritsana Comenencia representando Graficas Aruba kende tabata un di e favoritonan pa gana e corona hunto cu e candidata di Colegio Arubano Diantha Maduro.

Cu eleccion di Gritsana Comenencia como prome finalista, e especulacionnan a cuminsa di cu Diantha lo bira reina di Carnaval 49, locual pa un cuatro pa un anochi a

bira conoci oficialmente.

Cu roadmarch Rusty Pot den background, Aruba a conoce su reina 49di carnaval, den persona di Diantha Maduro, representante di Colegio Arubano y kende lo habri e paradanan fin di siman aki.

Diantha a wordo corona ayera anochi pa prome ministro Sr. Nelson Oduber.

